

ZAPISNIK S TREĆE REDOVNE SJEDNICE VIJEĆA RODITELJA JU TREĆE GIMNAZIJE U ŠKOLSKOJ 2022/23. GODINI

Treća sjednica Vijeća roditelja održana je u utorak, 07.03.2023. godine, s početkom u 18.00 sati u prostorijama biblioteke Škole. Na početku sjednice konstatovano je da sjednici prisustvuje 21 član Vijeća roditelja, te da su se predstavnici III-4, III-5 i IV-2 mail-om najavili svoje odsustvo sa sjednice.

Predsjednik Vijeća roditelja konstatovao je da je zadovoljen kvorum za odlučivanje. Sjednici su pored predstavnika roditelja prisustvovala direktorica Amra Čolić, zamjenica direktorice Meliha Salihović i pedagog Hasija Dedović. Broj prisutnih članova zadovoljava kvorum za odlučivanje.

Prije samog usvajanja predloženog dnevnog reda, prihvaćena je sugestija gđe Snježane Brkić (*da se radi o trećoj redovnoj sjednici, a ne o drugoj, kako je u mail-u dostavljeno*), te je isti, uz dopunu, dostavljen Vijeću roditelja na usvajanje i to:

1. Usvajanje zapisnika sa II redovne sjednice Vijeća roditelja
2. Usvajanje Protokola komunikacije i saradnje roditelja sa školom JU "TREĆA GIMNAZIJA" Sarajevo
3. Prijedlog o produžetku trajanja velikog odmora (prijedlog gđina Murče Obučine)
4. Informacija o radu Koordinacije VR Novo Sarajevo (Predsjednik VR)
5. Informacija o radu Komisije za ekskurziju
6. Snus - duhanski proizvod i zabrana konzumiranja
7. Izvještaj o uspjehu i vladanju na kraju I polug. (dostava izvještaja elektronski)
8. Dan škole - 75 godina - informacije
9. Dan otvorenih vrata „Naših ruku djela“ – informacije
10. Tekuća pitanja

Predloženi dnevni red je jednoglasno usvojen.

Ad/1

Sjednicu je otvorio Predsjednik VR gđin Hasan Pleh i poželio uspješan rad predstavnicima roditelja u Vijeću roditelja Treće gimnazije. Zapisnik sa druge sjednice Vijeća roditelja JU Treća gimnazija usvojen je jednoglasno sa 21 glasom.

Ad/2

Usvajanje Protokla

Na samom početku, gđa Snježana Brkić dala je uvodne informacije o samom dokumentu uz određene primjedbe i sugestije koje se odnose na tehničke korekcije samog teksta. Također, sugerisano je da se link ili dokument proslijedi članovima VR sa uputom da proslijede preko mailing listi roditeljima svojih odjeljenja. Protokol je jednoglasno usvojen sa predloženim izmjenama.

Ad/3

Prijedlog o produžetku trajanja velikog odmora (prijedlog Grupe roditelja II4 odjeljenja iznio je njihov predstavnik gđin Murčo Obučina)

Na redovnom roditeljskom sastanku II4, jednoglasno je prihvaćen prijedlog da se VR uputi zahtjev za razmatranje da se pauza za užinu (veliki odmor) poveća sa 20 minuta na 30 minuta. Obrazloženje predlagača (grupe roditelja) je *da je to praksa u mnogim školama i da učenici sa 20 minuta pauze nemaju dovoljno vremena za užinu ili odmor za praćenje dalje nastave*

koja traje i do 7 časova dnevno. U samu diskusiju su se uključili i ostali članovi VR, svoje stavove dali su Alzira Hota, Nusret Mujezinović, Almira Muhović, Snježana Brkić, Muhamed Kučuk, Alida Đulančić, direktorica Čolić i drugi. Na kraju, usvojen je prijedlog VR, da rukovodstvo škole razmotri mogućnost i opravdanost dostavljenog prijedloga, a da se na nivou resornog Ministarstva napravi analiza i da se ovaj prijedlog sistemski riješi.

Ad/4

Informacija o radu Koordinacije VR Novo Sarajevo (Predsjednik VR)

Predsjednik VR gđin Hasan Pleh, upoznao je prisutne sa radom Koordinacije Vijeća roditelja sa područja Općine Novo Sarajevo. Govorilo se o pedofiliji, pogotovo o slučaju iz OŠ Grbavica 1, pitanju uređenja Javnog registra pedofila u BiH, ulaganja u infrastrukturu škola i nabavku neophodne opreme, kao i pozitivnim primjerom uspješne saradnje sa lokalnom zajednicom. Također, Predsjednik gđin Pleh je iskoristio priliku i upoznao prisutne i sa Snusom duhanskim proizvodom (nikotinske vrećice u kojima je vlažni i mljeveni duhan koje se stavljaju između usne i desni gde pljuvačka rastapa sadržaj kesice), koji koriste mladi i nažalost jako veliki broj djece, te o njegovoj štetnosti i zabrani konzumiranja. Svi članovi Vijeća su primili k znanju ove dvije informacije.

Ad/5

Informacija o radu Komisije za ekskurziju

U ime Komisije, prisutnima se obratio predsjednik Komisije za ekskurziju Mirza Terzo, koji je napomenuo da je po javnom pozivu pristigla samo jedna ponuda, koja nije sadržavala potrebnu dokumentaciju, te je predloženo se postupak poništi i ponovi javni poziv i krene u novi postupak. Svi članovi Vijeća su primili k znanju ovu informaciju.

(Napomena: učenici su se ranije odlučili za ekskurziju u Španiju, te je u tom smislu i objavljen javni poziv)

Ad/6

Snus - duhanski proizvod i zabrana konzumiranja

Već objašnjeno u Ad/4.

Ad/7

Izvještaj o uspjehu i vladanju na kraju I polugodišta školske 2022/2023. godine

Direktorica škole Amra Čolić je prisutne upoznala sa uspjehom i vladanjem, a sam izvještaj je dostavljen svim članovima VR elektronskom poštom uz poziv za sjednicu.

Ad/8

Informacija o Danu škole i obilježavanju 75. godina Treće gimnazije

Direktorica Amra Čolić informisala je roditelje o samoj organizaciji Svečane akademije, koja je planirana da se održi u prostorijama Dječije kuće, u petak 17.03.2023. godine, s početkom u 14h. Informacija je primljena k znanju.

Ad/9

Dan otvorenih vrata „Naših ruku djela“ - informacije

Direktorice Škole gđa Amra Čolić je upoznala roditelje sa manifestacijom Dani otvorenih vrata i projektom „Naših ruku djela“, za koje je planirano da se održe 04.05.2023. godine s početkom od 14h, a za roditelje od 17h. Predsjednik Vijeća roditelja gđin Pleh je predstavnike prvih razreda detaljnije upoznala sa ovim projektom, te predložio da na današnjoj sjednici, u skladu sa ranijom praksom, bude izabrana komisija ispred Vijeća roditelja koja bi na taj dan objedinila i prebrojala prikupljeni novac. U sastav komisije bi ušao po jedan predstavnik svakog razreda, te Predsjednik Vijeća roditelja po službenoj dužnosti.

Predloženi su predstavnici nekoliko odjeljenja, te je jednoglasno izabrana komisija u sastavu:

Aida Aganović, predstavica I-1

Muhamed Kučuk, predstavnik I-6

Armina Puzić, predstavica III-2 i

Bulend Bišćević, predstavnik IV-3.

Ad/10

Za ovu tačku dnevnog reda nije bilo predloženih tema niti diskusija.

Treća redovna sjednica Vijeća roditelja završena je u 19:25 sati.

Zapisnik s Treće sjednice

sastavio Bulend Bišćević, sekretar Vijeća roditelja

Zapisnik ovjeren

gđin Hasan Pleh, predsjednik Vijeća roditelja
